



GAITASUN DIGITALAK PC ETA INTERNETEKO OINARRIZKO ERABILERARAKO

Erabiltzailearen gida



Financiado por
la Unión Europea
NextGenerationEU



Plan de Recuperación,
Transformación
y Resiliencia



EUSKO JAURLARITZA
GOBIERNO VASCO

1. Aurkezpena

Herritarrentzako Gaitasun Digitalen Europako Esparrua (DigComp) gaur egungo gizartean herritarrek izan behar dituzten gaitasun digitalak azaltzen ditu. Horretarako, **funtsezko 5 arlo eta 21 gaitasun digital** ezartzen ditu; arlo eta gaitasun horietan, Internet, IKTak eta beste teknologia batzuk erabiltzeko behar diren ezagutza, gaitasun eta jarrera guztiak azaltzen dira. DigComp-ek gaitasun digitaleko 8 maila ezartzen ditu, **4 mailatan** sailkatuta, oinarrikotik hasi eta espezializatura.

DigComp esparruak ezarritako gaitasun horiek funtsezkoak dira guztiok **gizarte digitalean aktiboki parte hartzeko** eta teknologiak ematen dizkigun **aukerak ahalik eta gehien aprobetxatzeko** behar diren gaitasun digitalak dauzkagula ziurtatzeko.

Ikastaro honetan, **teknologiak erabiltzen eta gaitasun digitalak garatzen hasiko gara**. Haren bidez, gaitasun horiek hartzeko oinarriko edukiak aurkeztuko ditugu; horrela, gero eta digitalagoa eta teknologikoagoa den mundu honetan moldatzeko behar diren gaitasunak eta ezagutzak garatuko ditugu, eta teknologiaren erabiltzaile kritiko eta arduratsu bihurtzeko prest egongo gara.



2. Formakuntza-ekintzaren ezaugarriak

Gaitasun digitalak PC eta Interneteko oinarrizko erabilerarako ikastaroa **aurrez aurrekoa** da, eta **saiotan** gauzatuko da, honela banatuta:


Saio-kopurua	Iraupena	Edukia
1. Saioa	2 h	<ul style="list-style-type: none">Ikastaroaren aurkezpenaFormakuntza-plataformarako sarbideaEduki teoriko-praktikoaren aurkezpena
2. Saioa	2 h	Eduki teoriko-praktikoaren aurkezpena
3. Saioa	2 h	Eduki teoriko-praktikoaren aurkezpena
4. Saioa	2 h	Eduki teoriko-praktikoaren aurkezpena
5. Saioa	2 h	<ul style="list-style-type: none">Eduki teoriko-praktikoaren aurkezpenaAutoebaluazio-galdetegia egiteaGogobetetze-galdetegia betetzeaGomendioen eta ikasteko ingurunearen aurkezpena



Ikastaroaren egitura

Ikastaroan, **formakuntza-plataformako** formakuntza-materiala kontsultatuko da.

Plataforman, **bloke** hauek daude:



Edukiaren sekuentzia



Helburuak:

- Edozein informazio bilatzea bilatzaileen bidez.
- Webgune bat fidagarria den edo ez egiaztatzea.
- Webgune batetik eratorritako informazioa gordetzea.
- Online komunikazio-tresnak ezagutzea, bai sinkronoak bai asinkronoak.
- Modu eraginkorrean komunikatzea posta elektronikoaren bidez.
- Edukia argitaratzea sare sozialetan.
- Netiketa arauak zeintzuk diren eta nortasun digitala modu egokian kudeatzeko dauden tresnak ezagutzea.
- Online kudeaketak burutzea, hala nola hitzordu mediko bat eskatzea edo erosketak egitea.
- Dokumentu bat sortzea LibreOffice erabiliz.
- Irudi bat oinarritzko moduan editatzea.
- Geure burua eta besteak babestea teknologia digitalak erabiltzean.
- Arazo tekniko ohikoenak konpontzea.




Edukien aurkibidea:

1. Behar duzun guztia Interneten al dago?
2. Jarri harremanetan Interneten!
3. Egin kudeaketak eta izapideak online
4. Sortu eta partekatu zure eduki digitalak
5. Kontuz! Ikas ezazu nola babestu zure burua
6. Saihestu eta konpondu arazoak zure gailuarekin
7. Jarraitu ikasten




Edukian barrenako nabigazioa

Edukien gunetik ikastaroaren edukian sartu ondoren, modu sekuentziatuan nabigatu ahal izango duzu edukian barrena, edo libreki aurkibidetik:



Edozein pantailatatik irits zaitezke edukien aurkibidera, eta dauden elementuekin interakzioan aritzeko argibideak emango dira.





Eredu pedagogikoa

Edukiak aurkezteko, **kasutan oinarritutako ikaskuntza-eredu esanguratsu** bati jarraitzen zaio. Eredu horrek erabiltzaile-profil desberdinen esperientziak hartzen ditu kontuan. Horretarako, helburutan oinarritutako egoerak aurkezten dira, eta egoera horiek ikastaroaren ildo nagusi gisa erabiltzen dira. Egoera horietan, benetako gertaerak simulatzen dira, eta pertsonak zeregin jakin bat hartzen dute gertaera horiek konpontzeko eta garatzeko.

Ikasteko estiloak

Edukia diseinatzean, **ikasteko estilo desberdinak** hartu dira kontuan. Hala, eredu eskematiko bisual bati jarraikiz aurkezten da informazioa. Eredu horretan, begi-kolpe batez erakusten dira funtsezko alderdiak, baliabide grafiko bidez, eta, gero, hasierako informazioa garatzen da. Mota askotako **baliabideak** txertatu dira (testua, irudia, bideoa, interaktiboak...), guztiak oso erabilgarriak; esaterako, testuinguruan kokatutako adibideak, aholku praktikoak, gehiago ikasteko baliabideak eta jarduerak.

Formakuntzaren jarraipena

Ikastaroa amaitutakoan, **gogobetetze-galdetegi bat eta gaitasun digitalen autodiagnostiko-testa** daude; azken horrek zure maila esango dizu.

Gainera, **ikastaro, baliabide eta tresnen zerrenda** bat duzu; zerrenda horri esker, zure ikasteko eremu pertsonala eraiki ahal izango duzu, eta KZguneko formakuntza-ibilbidearekin jarraitzeko gomendioak aplikatu.



Ebaluazioa

Formakuntza behar bezala aprobetxatzeko, **aurrez aurreko 4 saiotara joan** behar duzu gutxienez, **eduki interaktiboa ikusi**, eta **amaierako autoebaluazio-galdetegia egin**.

Galdetegi horrek 10 galdera ditu, mota askotakoak (erlazionatu, hautatu, etab.), eta gaitasun digitalen eremu guztiak eta ikastaroan ikusitako eduki guztia hartzen dute barnean. Formakuntza-plataforman egingo da, azken saioan, eta 5 saiakera izango dituzu. Gainditzeko, erantzunen % 50 zuzenak izan behar dira.

Baldintza hauek bete behar dira:

Aurrez aurreko saioetara joatea: Programatutako orduen % 75 (alegia, 10 orduetatik 7,5)

Formakuntza-plataforma: Azken notaren % 50

Edukia ikustea: % 20

Ebaluazio-galdetegia egitea: % 80



Ikastaroa amaitzean, eta baldintzak betez gero, **aprobetxamendu-ziurtagiria** lortuko duzu.

Nahitaez bete beharreko irizpideez gain, azken kalifikazioan kontuan hartzen ez den arren, hezitzaileek kontuan izango dute diseinatu eta sekuentziatu diren **jarduerak** egin eta haietan parte hartu den ala ez, proposatutako ikaskuntza-helburuak errazago bereganatzen laguntzen baitute.

Jarduera horiek edukia garatzean aurkezten dira, eta edukiari lotuta, eta era askotakoak dira:

Jarduerak: eduki interaktiboan sartuta daude, eta ekintzaren bidez ikasteko dira; jarduera horiek automatikoki zuzen daitezke, eta *feedback*-a ematen dute.

Elkarlaneko jarduerak: elkarlanaren bidez elkarrekin ikasteko diseinatutako jarduerak.

Bideratutako jarduerak: eduki interaktiboan sartuta daude, eta erantzun irekikoak dira; ikasgelan egingo dira, ikasitakoa praktikan jartzeko.



Nire kalifikazioak

Ikastaroan zer aurrerapen egin duzun eta zer kalifikazio lortu dituzun jakiteko, sakatu alboko menuko **Kalifikazioak** aukera; hor, orduraino egin duzun aurrerapena ikusiko duzu eta, ikastaroa amaitzean, amaierako kalifikazioa.

The screenshot displays a user interface for tracking digital skills. On the left is a dark sidebar with navigation options: Partaideak, Kalifikazioak, Hasiera, Aginte-panela, Egutegia, and Nire ikastaro aktiboak. The main content area shows a breadcrumb trail: Hasiera > Nire ikastaroak > Gaitasun digitalak Interneteko oinarrizko erabilerarako > Kalifikazioak > Kalifikazioen kudeaketa. Below this, a button for 'Erabiltzaile-txostena' is visible. The main heading is 'Erabiltzaile-txostena - Test Personas usu' with a dropdown menu set to 'Erabiltzaile-txostena'. A table lists the assessment elements with columns for 'Kalifikazio-elementua', 'Kalkulatutako pisua', 'Kalifikazioa', 'Ibiltartea', 'Ehunekoa', 'Feedbacka', and 'Ikastaroaren denerako ekarpena'. The table includes three rows: 'Azkeneko autoebaluazio-galdetegia', 'Gaitasun digitalak PC eta Interneteko oinarrizko erabilerarako', and 'Ikastaroan guztira'.

Kalifikazio-elementua	Kalkulatutako pisua	Kalifikazioa	Ibiltartea	Ehunekoa	Feedbacka	Ikastaroaren denerako ekarpena
Gaitasun digitalak Interneteko oinarrizko erabilerarako						
Azkeneko autoebaluazio-galdetegia	-	-	0-10	-	-	-
Gaitasun digitalak PC eta Interneteko oinarrizko erabilerarako	-	-	0-55	-	-	-
Ikastaroan guztira Kalifikazioen batez besteko ponderatua.	-	-	0-100	-	-	-

3. Ikastaroa garatzeko orientabideak

Formakuntza-ekintza behar bezala garatzeko eta aprobetxatzeko, hartu kontuan **gomendio** hauek:



Oraindik egin ez baduzu, egin **gaitasun digitalen autodiagnostiko-testa**, abiapuntua zein den jakiteko.



Begiratu formakuntza-plataforman dagoen **ikastaroko edukia** saio bakoitzaren aurretik edo ondoren, dena ondo ulertzen duzula ziurtatzeko eta zalantzak galdetzeko.



Hartu parte **elkarlaneko jardueretan** eta egin **bideratutako jarduerak**; horrela, hartutako ezagutzak finkatuko dituzu.



Nahitaez egin behar da **autoebaluazio-galdetegia**; irakurri arretaz galderak, eta begiratu ondo erantzutean; nahikoa denbora duzu. Gainera, aukera bat baino gehiago dituzu galdetegia egiteko.



Gogoratu **gogobetetze-galdetegia** bete behar duzula eta, nahi izanez gero, autodiagnostiko-testa berriro egin, gaitasun digitalak eskuratzen aurreratu duzun jakiteko.



Ikusi zuretzat dauzkagun **gomendioak** eta egin aurrera **KZguneko** formakuntza-ibilbidean.

4. Erabiltzailearentzako arreta



Hezitzaileak aurrez aurreko saioetan sortzen diren zalantza guztiei erantzungo die.



Ikastaroen funtzionamenduari eta garapenari buruzko beste zalantzaren bat izanez gero, ikusi [Ohiko galderak](#) edo galdetu zure KZgunea zentroan.



Esteka honetan dituzu KZgunea zentroarekin harremanetan jartzeko informazioa eta haren arreta-ordutegia:

[Zentrozen bilatzailea](#)

5. Baldintzak



Ez da materialik eraman behar: KZgunea zentroaren ekipoa erabiliz egingo duzu formakuntza.

Saguaren eta teklatuaren erabileran oinarritzko ezagutzak izatea.



6. Ohiko galderak



Zer da KZgunearen formakuntza-plataforma?

KZgunearen [formakuntza-plataforma](#) Interneteko gune bat da, gure formakuntza-eskaintzaren edukiak jasotzen dituena. Gure urruneko formakuntzaren edukiak eskuratu nahi badituzu edo gure hezitzaileek gidaturiko ariketa praktikoak egin nahi badituzu, bilatu gehien interesatzen zaizun [ikastaroa](#) gure webgunean, eta eman izena.

Non deskarga ditzaket KZgunean egindako ikastaro edo hitzaldien aprobetxamendu-ziurtagiriak?

Zure kontuan eskuratu ahal izango dituzu KZguneako ikastaroen bertaratze-ziurtagiriak, ikastaro edo hitzaldi horiek bukatutakoan. KZguneako zure kontura sartu, eta, "[Nire ikastaroak](#)" atalean, aurki ezazu egin duzun ikastaroa eta klikatu "**Deskargatu ziurtagiria**" botoia.

Zentro batera joan nahi dut. Zer ordutegi du?

Hautaturiko zentroaren ordutegiak kontsulta ditzakezu gure webguneko [zentroen bilatzailea](#) erabilia.

Nola eska dezaket hitzordua KZgunearen zentroetan?

Webgunearen bidez edo aukeratu duzun KZgunea zentrori deituta eska dezakezu informazio eta aholkularitza teknologikoko kontsulta-zerbitzuetarako hitzordua.

Ez da hitzordua eskatu behar KZgunea zentroetara nabigatzera joateko.

Beste zalantzarik baduzu, irakurri KZgunearen
[ohiko galderen orria](#).





Ongi etorri ikastarora!



Financiado por
la Unión Europea
NextGenerationEU



GOBIERNO
DE ESPAÑA

MINISTERIO
DE ASUNTOS ECONÓMICOS
Y TRANSFORMACIÓN DIGITAL



Plan de Recuperación,
Transformación
y Resiliencia



EUSKO JAURLARITZA
GOBIERNO VASCO